



Shash Petapan

Mashinaikan nishk kaishtatet - Epishinimishkueu 2023

ESHI-UANAUIPAN TIPATSHIMUN ANITE MAMUITUN PETAPAN

Epishinimishkueu, mishta-atuisseunanipan anite Mamuitun Petapan! Mekuot shiaputuepanan netshishkatunan, Innu-utshimauat mitshet natapishtuepan nenua katshimanakaniti anite Utaua mak Uepishtikueiau Tshishe-utshimaua, tshetshi nishtuataminiti tshe ishi-katshitinaht mak tshe ishi-uitshikuht atuisseunnu Tshishe-Utshimauat utapuetatishunuau mak uishameuat tshetshi shutshenitaminiti atuisseunnu. Innu-utshimauat mitshet tshi natshishkuepan Uepishtikueiau Tshishe-utshimaua katshimanakaniti eukuan nenua:

- Tshishe-utshimau kupaniesh René-Levesque, Yves Montigny
- Tshishe-utshimashkueu kupaniesh Duplessis, Tshishe-utshimashkueu katipenitak atushkanu mak Tshishe-utshimashkueu katshitatashk mamuitun uatenaua assi Cote-Nord, Kateri Champagne-Jourdain
- Tshishe-utshimau kupaniesh Terrebonne, Tshishe-utshimau katipenitak (l'Économie, de l'Innovation et de l'Énergie), mak Tshishe-utshimau katshitatashk tshiatshipanitaniti atushkana mak mamuitun uatenau assi Munian, Pierre Fitzgibbon
- Tshishe-utshimau kupaniesh Chicoutimi, Tshishe-utshimau katipenitak uatenassa tipenitamuna mak Tshishe-utshimashkueu katshitatashk Saguenay-Lac-Saint-Jean, Andrée Laforest
- Tshishe-utshimashkueu kupaniesh Roberval, Nancy Guillemette
- Tshishe-utshimau kupaniesh Lac-Saint-Jean, Éric Girard
- Tshishe-utshimau kupaniesh Jonquière, Yannick Gagnon
- Tshishe-utshimau kupaniesh Dubuc, François Tremblay
- Tshishe-utshimau kupaniesh Camille-Laurin mak kautshimaut Uepishtukuau kanatapisht, Paul Saint-Pierre Plamondon

Tshika natapishtueuat uinashku-pishimua 2023 nenua Pitau-Tshishe-utshimau Beloeil-Chambly, Yves-François Blanchet mak utshimaunua ne Mamuitun Uepishtukuau.

Minuat kutak mamuitunanipan tshetshi uitakaniti ne eshk" eka katshishtakan atuisseun mak ne Utaua Tshishe-utshimau ka uitatussemat Innua Marc Miller, ashit ne Uepishtukuau Tshishe-utshimau katshitatak kaitatussemat Innua mak Inuit, lan Lafrenière. Anitshenat uapatinitshepan tshetshi aueshtaht nianikashkakuniti atuisseunu kie tshetshi tshishtapan Tshishe-utshimau utapuetatishunu umue 31 uinahku-pishim".

Natshishkatunanu ka nishtuapiht tshe ui nishtutatinan

Tshika mishta-apatana tshe aitanan ashkuaiet epishinimishkueu anite uiatakaniti kanatapishtatinan assi kassinu eshi-ishpitenitakuak. Tshika natapishtatut anitshenat nikan katshiminakaniht, Innu-utshimauat Essipit, Nutashkuan mak Mashteuiatsh, ashit Utaua Tshishe-utshimau kaitatussemat Innua mak ne Uepishtukuau Tshishe-utshimau katshitatak uiatatussemat Innua mak Inuit.



Shash Petapan

Mashinaikan nishk kaishtatet- Epishimishkueu 2023

KUTAKA TIPATSHIMUNA

Ka takuashiti kamamataupitakanit

Ka takuashiti kamamataupitakanit uapimitshenau tshekaun essishuemakahk ne 31 uinashku-pishim" anite atusseu katshitapatakanit Facebook Regroupement Petapan, 6 epishimishkueu ka tshishtauakanit ananipan kamamataupitakan. Tshika tshi mamataupitanau anite nitatusseunan Web kie ma katshitapatakan Facebook.

Mekuat, nitatussenan tshetshi innu-aiminan tshe nakatuatamek nitatussenan katshitapatakan!

Passe tipatshimuna uauetanaht tshetshi uauitimakauiek" mak tshetshi nishtutamek ne ka takuashiti kamamataupitakanit, ui natashtaieku aimuna anite atusseu katshitatakan info@petapan.ca kie ma Messenger anite Facebook Regroupement Petapan.

Kukuetshimanipan anite kaimumishtukut SOCAM

Innu-utshimaut kukuetshimukupan Bernard Hervieux kupaniesh anite Socam. Kassinu patshitinamupan kuishk aimunu, nakatuatamuk kaut tshika pimipatakanua.

MAMUITUN PETAPAN TSHIUENAM KA KUKUETSHITSEMIEK

Mitshetua kukuetshitshemunan nete Facebook utat pishumua :

Ka kuetshitshemunan umue pishim":

Atauatshenanu a ninatau-assi uinishunaniti Tshishe-utshimau utapuetatishunuau?

Nanitam tshika takuan tshitassinan, miam Canada mak Uepishtukiau assi tshi ishpish takuak. Mishta-apatam tshetshi tshishishtaminikauieknete pet utat tatunueshpipuna mak eshk" kashikan Tshishe-utshimau kaniuatsheu tshitassinanu apu ui ishpitenimaht innua, miam eshinakuanit tshetshi tutuat. Apishish muk kaniu innu nenu kianiuatsheniti tshitassinanu. Tshishe-utshimau utapuetatishunuau takuaki tshika takuan tshetshi minuashtakan ne eshpan, tshika nishtuatakanu tshitipenitamunan anite tshitassinat, mashinataimaku ne tshieshinikanashtakanit takuaikan mashinaikan ashit ne tipaikana mak tipishkutashtakaniti Innuat mak Tshishe-utshimau. Tshishe-utshimau utapuetatishunuau takuaki tshika mashinataikanu tan tshe itashpahtakaniti assi kie ma innuat tan tshaitapashtat uinuau e nashatakaniti kaishi-nishtutatitan. Ne Tshishe-utshimau utapuetatishunuau tshuitamakaunan neshtuatakan mak shiaputuepan tshitipenitamunan anite tshitassinan.





TIPATSHIMUN EKUNITSHENAN



*Kanatshishkatunan ashit Tshishe-utshimauat
Fitzgibbon mak Lafrenière
- 10 epishinimishkueu 2023*



*Kanatshishkatunan ashit Tshishe-utshimashkueu Champagne-Jourdain
- 9 epishinimishkueu 2023*



*Kanatshishkatunan ashit utshimau St-Pierre Plamondon
- 14 epishinimishkueu 2023*



*Kanatshishkatunan ashit Tshishe-utshimashkueu
Laforest makumamuitunuau
- 14 epishinimishkueu 2023*



*Kanatshishkatunan ashit utshimau Montigny
- 9 epishinimishkueu 2023*